

特32

24

前賢故實

三

219

423

前賢故實卷第三

人名目次

嵯峨天皇朝十一名

坂上田村麻呂

菅野真道

藤原園人

橘安麻呂

藤原冬嗣

萬多親王

淳和天皇朝十四名

明日香親王

難波部安良賣

齋部廣成

賀陽豐年

上毛野穎人

文室綿麻呂

小野岑守

文部子氏女

難波部子刀自咩



島木真

財部繼麻呂

甘南備高真

池田春野

藤原常嗣

仁明天皇朝三十名

衣縫金繼女

菅原清公

藤原緒嗣

伴富成女

伴友足

和氣真綱

風早審麻呂

伴家主

清原夏野

伴野繼

藤原三守

阿保親王

朝野鹿取

刑部真刀自咩

藤原貞主

尾張濱主

藤原吉野

有智子內親王

坂上淨野

和氣貞臣

興世書主

藤原高房

百濟河成

橘逸勢女

紀最第

葛原親王

山田古嗣

丸部明麻呂

藤原富士麻呂

滋野貞主

藤原岳守

小野篁

丹墀門成

藤原關雄

源常

菅原梶成

前賢故實卷第三

江戸 容齋 菊地武保輯著

長沼侍鑿

良儂 手塚光照

門人

榛齋 志村昌壽

櫻室 中里德基

全校

北郊 西村方大

雙溪 坂部好禮

駿府 平岸 天野真暎

坂上大宿禰田村麻呂。左京大夫。薨田麻呂之子也。正三位大納言兼右近衛大將。身長五尺八寸。膂力過人。目如鷹隼。鬚如金線。平居談笑。老幼親狎。瞋目怒視。猛獸懼伏。征伐蝦夷。撫綏奧羽。功名赫著。弘仁二年薨。于粟田別業。年五十四。嗟峨天皇不視事一日。勅贈從二位。賜山城宇治郡粟栖村地三町。為墓地。使立屍棺中。備甲冑弓箭劍鉞。而向王城葬焉。後國家將有事。則其墓鳴動。至于今尚然。世稱之將軍塚。



弘仁帝御製

田村麻呂傳

張將軍之武畧當按轡

前駢

蕭相國之奇謀宜執鞭

後乘

齋部宿禰廣成。從五位下。博學善文。天太玉命之裔也。我
皇國自
神代之始。中臣忌部二神。交掌祭典。以輔政教。然而中世
中臣氏特盛。齋部氏不振。故廣成發憤。大同三年二月。作
古語拾遺一卷。以
上焉。時年踰八十云。



菅野朝臣真道。其祖百濟人也。父曰山守。真道初賜攝津連。寶龜九年。任少內記。歷任為伊豫守。皇太子學士。延曆九年。上表請改連姓。賜朝臣。於是。勅賜菅野朝臣。大同二年。為山陰道觀察使。十一月任民部卿。三年遷左大辨。四年叙從三位。任宮內卿。五年兼近江守。為參議。七月任常陸守。弘仁二年正月致仕。五年薨。年七十四。嘗與右大臣藤原繼繩少納言秋篠安人等奉勅撰續紀。

晚夏神泉苑
 應製
 玉母仙園近、龍宮寶殿深、追涼天驛幸、
 銀賞鳳輿臨、竹疏長竿節、松傾小蓋、
 陰醉臣迷聖造、唯
 有森寒心。




賀陽朝臣豐年。右京人。精該經史。對策甲科。重操守義。無
 所屈撓。自非知己。不輕接物。大納言石上宅嗣。欽其風。招
 三芸亭。禮待周厚。延曆中任東宮學士。及平城帝踐祚。
 叙從四位下。拜式部太輔。既而女謁屢進。英賢見排。豐年
 獨守素懷。無所風靡。厥後帝不豫。傳位於太子。遷于
 平城。豐年不預。扈從。猶守本職。至于及亂。辭職。上惜其
 宏材。任播磨守。在任三年。得疾入京。卒于宇治之別業。其
 日勅贈正四位下。時年六十五。

高士吟

一室何堪掃。九州豈足
 步。寄言蒼雀。寧知
 鴻鵠路。



藤原朝臣園人。贈太政大臣房前孫。參議大藏卿楓麻呂
 長子也。寶龜十年叙從五位下。為美濃介。歷守備中安藝
 備後豐後。延曆十七年為大和守右京大夫。素有循吏之
 稱。其所莅百姓愛戴。往々立生祠。弘仁中為右大臣從二
 位。九年薨。時年六十三。帝痛惜殊甚。遣使護喪事。即日
 詔贈正一位左大臣。號山科大臣。嘗奉勅與萬多親
 王撰姓氏錄。



弘仁四年四月 幸
 皇太弟南池命夫人賦詩
 右大臣上歌曰


夕方の日のしげはほろろ
 夕のまはるるしげはほろろ
 夕のまはるるしげはほろろ
 夕のまはるるしげはほろろ
 天皇御歌
 夕のまはるるしげはほろろ
 夕のまはるるしげはほろろ
 夕のまはるるしげはほろろ
 夕のまはるるしげはほろろ



上毛野朝臣類人。從五位下大川之子也。稍習文章。延曆中任遣唐錄事。若有譯語所不通者。即以筆代口。彼我得達情。復命之後。以功擢外從五位下。大同五年。上皇遷御於平城宮。類人隨侍焉。上皇容奸言。將謀向東國。從士周章失度。類人脫身入京。具奏其事。以功特授從五位上。俄而任東宮學士。叙從四位下。遷民部大輔。弘仁十二年卒。年五十六。

春日歸田



千錄終無驗。歸田入弊
 園。庭荒唯壁立。雜失
 獨花存。空手飢方至
 低頭日已昏。世途如
 此苦。何處遇春恩。




橘朝臣安麻呂。諸兄之孫。奈良麻呂之子也。性至孝好禮節。兼知故事。延曆元年叙從五位下。後至從四位下。任左大辨。遷常陸守。緣母病請遷備前。遂以伊豫親王外戚。解任還京。叙正四位。尋卒。時年八十。



文室真人綿麻呂。大納言從三位智努王孫。從四位下勳
 二等三緒朝臣大原子也。大同四年改三緒賜三山朝臣
 姓。再改三山賜文室真人姓。五年。太上天皇容內寵言。
 將幸東國。諸司宿衛之兵皆從焉。于時遣大納言坂上
 田村麻呂。率銳卒從美濃道邀之。田村麻呂奏。綿麻呂勇
 敢之士也。屢經邊戰有功。冀同行。即投綿麻呂正四位上。
 拜參議。以遣之。尋任大藏卿兼陸奧出羽按察使。累官至
 中納言兼右近衛大將從三位勳四等。弘仁十四年薨。年
 五十八。



藤原朝臣冬嗣。右大臣內麻呂第二子也。資性溫仁。識量
 弘雅。才兼文武。寬裕接物。累進左大臣正二位。奉勅修
 撰弘仁格式及內裡式。嘗置施藥院。收養貧病者。又建勸
 學院。教育子弟。淳和帝天長三年薨。年五十二。贈正一
 位。稱開院大臣。



和武藏平錄事五月訪幽人遺跡之作
 幽道長無返。捐身萬事暇。玄書明月照。白骨老猿啼。
 風度松門窅。泉飛石室淒。白雲不可見。懷古獨淒。



小野朝臣岑守。妹子玄孫。陸奧公永見三男。為從四位上
勘解由長官兼刑部卿。嵯峨帝在儲副。岑守管原清公
等更侍讀焉。又與中納言良岑安世中務大輔朝野鹿取
等撰內裡式。後為太宰大貳。宰府遼遠。赴焉者。往往露宿
致病死。岑守建續命院。以濟行旅。弘仁十四年。以民困乏。
上表請薄賦省徭。天長七年卒。時年五十三。



留別文友

一朝泛吏十年許。文友存亡半是新。
人。固為同道無新舊。但悲我作萬里

萬多親王。桓武天皇第五皇子。二品式部卿。兼太宰帥。
嵯峨帝憂。神武天皇以來諸姓氏混淆。詔右大臣
藤原國人參議藤原緒嗣等甄別之。以親王尤精譜學。命
總裁焉。書成凡一千一百八十二氏。并目三十一卷。名曰
新撰姓氏錄。表上之。天長七年薨。年四十三。詔贈一
品。





明日香親王。桓武天皇第七子。性儉素。黷浮華。弘仁中。風俗奢靡。衣裳鮮麗。而獨服澣濯衣。家貧。嘗斥賣駿馬。以給費用焉。時爲四品彈正尹。後上表辭親王號。不許。再上表乞所生男女賜朝臣姓。帝嘉之。賜子女四人姓久我。尋授三品。天長八年爲上野太守。承和元年薨。



丈部子氏女。常陸國人。年十五嫁于同鄉人新治真單。真單亡之後。常拜掃墳墓。日夜悲泣弗輟。鄉人皆感動。相與訴之官府。因賜位二級。免田租。時天長二年也。難波部安良賣。筑前人。父母共沒。常拜冢堂。朝夕盡哀。年十六嫁宗像郡大領外正七位上宗形朝臣秋足。秋足早死。寡居十五年。遠近競聘之。誓死執志。以其孝貞罕匹。叙位二級。免田租。難波部首子刀自賣。豐前人。年十八適下毛郡擬大領藤野宮守。徑二十年。宮守死。子刀自賣不勝。追慕。置夫之遺衣于床上。朝暮拜泣。寡居空室十年餘。天長四年。朝命特加優獎。悉免其田租課役。終其身。



島木史真。叙外從五位下。天性機巧超群。嘗創意制新弩。回轉自在。四面激發。當爲邊備要器。一日執政大臣召諸衛府於朱雀門。以試其弩。真自向南射。唯聞發聲。不視矢去。以其勁捷也。衆人感其奇巧。承和二年卒。



風早審麻呂。安藝加茂郡人。德行懿美。竭力孝養。父母及後。不食滋味。哀慕不已。天長十年。勅叙三階。免戶田租。財部造繼麻呂。加賀國能美郡人。父母存日。定省无失。其節。及後。操行不變。朝夕哀慕。鄉里莫不推服其孝。承和四年。勅叙三階。終身免田租課役。




伴直家主。安房國安房郡人。立性恭肅。事親至孝。父母沒後。終身絕滋味。建祠堂。安像其中。歲時祭之。事死如生。未嘗懈倦。
勅叙三階。終身免田租。旌其門閭。



甘南備真人高真。敏達天皇六世孫。正五位下清野第三子也。身長六尺二寸。少爲文章生。能屬文。又善琴書。弘仁之初。爲左近衛將監。六年叙從五位下。累任陸奧上野介。天長三年爲常陸守。緣前司犯。被停釐務。吏民感其德化。競遺資用。嵯峨上皇亦眷顧。使以莊家物任其所須。仁明帝踐祚。授從四位下。明年遭母喪。殆至誠性。不幾卒。年六十二。




清原真人夏野。小倉王第五子也。王奏請賜以清原真人姓。歷宮內少輔讚岐伯耆下總守。進從四位上。弘仁十五年奏曰。朝集使當奏言時。史生或至于問政。譬如面牆。何益之有。伏望差官長副史生一人。問其國滯政。面陳於玉階之前。然後罷遣。但有事可奏者。雖非朝集使。聽入京。無可奏之事。則雖朝集使不聽之。又奏荒廢之田。百姓耕作。國司即徵租。民畏此不取用力。伏望初縱其耕食。至六年之後。徵租如法。並從之。累遷陞從二位右大臣。承和四年薨。年五十六。稱雙岡大臣。



池田朝臣春野。性素質通典故。天長四年爲正五位上掃部頭。進從四位下。十年冬。仁明天皇欲行大嘗會。因幸賀茂河。修禊。春野在鹵簿中。身材六尺。鬚髮皓々。衣冠用古法。人莫不注眼。春野顧諸卿。歎曰。曳裾于地。是尋常之例。非神事之古體也。乃指所自著爲證。其裾離地差高。而裾襪露矣。皆駭感曰。自今宜效焉。承和五年卒。年八十二。



伴宿彌野繼。承和四年五月。賜正五位上。父益立。以寶龜
 十一年。為征夷持節副使。發京之日。始叙從四位下。厥後
 遭讒奪爵。野繼時為越後大掾。數上書訴。久而遂得雪
 父之寃。復于本位。




藤原朝臣常嗣。正三位。葛野麻呂之第七子也。累官至參議左大辨。資性明敏。足以幹事。博文強記。威儀可稱。少年入大學。通達史漢諸書。又善屬文。兼能隸書。父子相承。為遣唐使。世罕其匹。承和七年薨。年止四十五。




秋日登叡山謁澄上人
城東一岑聳。獨負叡山名。貝葉上方界。焚香鷲嶺城。
甑冷藜藿熟。白飯練沙成。輕梵窓中曙。疎鐘枕上清。
桐蕉秋露色。鷄犬冷雲聲。高陽丹丘地。方知南嶽晴。

藤原朝臣三守。參議巨勢麻呂孫。性溫恭明決。蚤入大學。研習經業。累遷陞從二位右大臣。雖貴顯之後。好招引文人。促席交歡。遇諸塗則爲下馬。弘仁中。與藤原冬嗣藤原葛野麻呂秋篠安人橘常主等奉詔撰格式。四人相踵薨逝。三守獨考究論定。天長七年書成。表上之。承和七年薨。年五十六。稱後山階大臣。



衣縫造金繼女。居河內志紀郡。生十二歲喪父。哭泣之切。感動人。服闋母欲嫁之。女逃出詣父墓。旦夕哀慟。母不敢復言嫁事。於是獨與母居。值父忌日。齋食誦經。祈其冥福。境內有惠賀河。冬日人苦涉。女與母謀。買雜財造假橋。便于往來者。十五年不止。母年八十而終。哭不絕聲。承和八年。勅叙三階。免戶田租表門閭。



阿保親王。平城天皇第一皇子。大同之季。天皇禪位於皇太弟。嵯峨天皇遷御于平城宮。弘仁元年。上皇爲奸邪見惑。而有再踐祚之謀。親王雖不與謀。坐此出爲太宰員外帥。至天長之初。特詔得入京。後歷任治部兵部卿。彈正尹。上野上總太守。親王素性謙退。才兼文武。有膂力。又妙發歌。承和九年薨。年五十一。



管原朝臣清公。遠江人子也。古人儒行高世。耿介自守。清公自少貫穿經史。延曆中。詔侍東宮。弱冠試文章生。舉秀才。後為遣唐使判官。及歸轉大學助。尋兼文章博士侍讀。天長元年。出為播磨權守。未幾公卿僉奏。清公國家元老。宜在朝廷。召入再為文章博士。叙從三位。老病趨步甚艱。特許乘牛馬。至南大庭梨樹下。其後稱病漸絕。朝參承和九年薨。年七十三。

歲去後移月。幸光處。吟
和風催柳絮。殘雪伴梅花。
樹暖鶯能語。暮芳蝶自香。
一馳千里月。春思忽紛絮。



朝野宿禰鹿取。正六位上。忍海連鷹取子也。叔父朝野道長。養為嗣。立性謹慎。臨事明斷。綽有吏幹。少入大學。涉史漢。兼知漢音。始試音生。任相模博士。後登科為文章生。累遷拜參議兼式部大輔。承和元年遷左大辨。進從三位。兼越中守。十年薨。時年七十。

王昭君

遠嫁匈奴域。羅水波不乾。畫眉逢雪壞。裁髮資為風。殘寒樹春多葉。胡雲秋早寒。胡氏非所願。異類誰能安。



藤原朝臣緒嗣式部卿百川子也。延曆七年。勅加冠殿上。其幘頭巾子。賜上所御者。即授正六位上。補內舍人。賜劍。勅曰。是汝父所獻也。汝父壽詞。朕記在心。于今未忘。每一思之。不覺淚下。今以賜汝。宜莫失焉。尋賜封百五十戶。累遷參議。特賜別封百戶。與菅野真道議政事得失。帝每嘉納焉。尋叙從二位兼皇太子傅。及淳和帝修大嘗。緒嗣請停節省弊。帝嘉之。乃檢校其事。天長二年。為右大臣。九年。轉左進正二位。弘仁以降。十上表辭職。皆優詔不許。承和十年。屢上書乞骸骨致仕。未幾而薨。年七十。稱山本大臣。緒嗣曉達政術。卧治庶務。國家之利害。知無不言。嘗撰姓氏錄及後紀。


嵯峨天皇御製

和左金吾將軍藤原緒嗣
交野雜宮感舊作

追想者時過舊館。悽涼淚下。忽露襟。發
村已見人煙。斲荒院。唯聞鳥雀吟。荊棘
不知歌舞處。葦蘿獨向戀情深。看花故
事誰能語。空望浮雲轉傷心。



刑部直真刀自咩。武藏國多麻郡楮江鄉人。嫁族人廣主。廣主死。居表有禮。事死如生。廬于墓側。晨昏悲泣。累歲不渝。承和中。勅授位二階。免田租終身。



伴直富成女。甲斐國山梨郡人。年十五嫁鄉人三枝直平。麻呂生一男一女。平麻呂死。守節不改。敬事墳墓。宛如存日。勅終身免戶田租。標門間以旌節行。



藤原朝臣貞主。大藏卿楓麻呂之孫。從五位上園主子也。弘仁十三年。叙從五位下。累任內外官。所在必著治績。承和九年。東方有警。近江關門加防備。時貞主爲近江介。以勞叙四位。任權守。爲人溫慧。長於從政。性嗜酒。雖案牘成堆。庶務根積。醉後愈明敏。剖決如流。十一年卒。年七十。



伴宿彌友足。爲人寬洪不忤物。素性無欲。頗熟武藝。最好鷹犬。獵而獲禽獸。必悉分其肉。諸大夫不留一臠。諸大夫戲言。友足好救生。死或墮。悉趣我輩力救之。以報其惠。前後爲加賀遠江守常陸介。叙從四位下。承和十年。自知死期。沐浴束帶。無病而卒。年六十六。



尾張連濱主。本伶官。進為外從五位下。承和十二年濱主
 年一百十三。自作和風長壽樂。舞於龍尾道上。觀者以千
 數。初謂衰老之極。必不能俯仰。其及踏節。赴曲。回旋爽快。
 宛如少年。四座僉曰。近代未有如此者。帝召舞於清涼
 殿前。舞畢。即奏和歌。帝深加賞歎。賜御衣一襲。左右感
 稱。為之垂涕。

其歌曰

於岐那度天。和飛夜波遠良無。久左母伎毛。
 散可由留登岐爾。伊天互萬毗天牟。



和氣朝臣真綱。清麻呂第五子也。至參議從四位上。資稟
 敦厚嗜學。弱冠補文章生。奉仕三朝。歷任內外官。嘗見
 讞獄不平。知事不可得。乃長歎曰。塵起之路。行人掩目。在
 判之場。孤直何益。即去職杜門。承和十三年無病卒。年六
 十四。弟仲世。近江人。以忠孝稱。初為文章生。及在近江。土
 人皆服其德。

重陽神泉苑賦秋可哀應制
 秋可哀兮哀歲時之如流。季白膺節百二具休。秋
 何愛而不興。何秋而不悲。却暑絺於匣裡。寒
 起於輕裘。傷曹子之惻怛。歎淮王之感憂。秋可哀
 兮哀物候之凄清。野政色以草撼。林代秋以枝輕。
 轉花心於風上。鷺葉影於秋表。霜凝菊兮菊。露
 留荷兮冷。望離鴻之有音。聽蟬出之潛鳴。秋可哀
 兮哀短景之微陽。火遷行而增分。日迴晷而收光。晚
 蟬吟於疎柳。夜兔信於戶堂。若玉豈言以形。惆悵
 搗麝作以擬天章。雖悲零落兮序欣奉名辰之
 昌。




藤原朝臣吉野。兵部卿綱繼之子也。自少好學。性寬弘。能容衆。事父母至孝。敬愛甚厚。其父嘗索庖人鮮肉。庖人以吉野不在。斬固不與。吉野歸而聞之。大悔恨。涕泣責讓庖人。以故終身不啜肉。常教誨子弟。接以溫裕。值其有過失。未嘗作色。循之喻之。而至朝堂議論。則侃無所回避。至正三位中納言。承和十三年薨。年六十一。



饒美州掾藤吉野得花字一首
 今夜倏忽言離別。
 不慮个飛似落花。
 莫怨白雲千里遠。
 男兒何處是非家。



有智子內親王。嵯峨天皇女。交野女王所生也。叙二品。博涉經史。善詩文及國歌。嘗為加茂齋院。帝幸加茂。使左右各探韻賦。春日山莊詩。內親王時年甫十七。得塘光行春四字。轉眄之頃成七律一首。搜林孤鳥識春津。隱澗寒花見日光。一聯最為世所豔稱。親王性貞潔。能事神。後居嵯峨西莊。仁明帝承和十四年薨。年四十一。




奉和

聖制江上落花詞

本自空傳武陵漢。地體幽深未若迷。今見河陽一縣花。落絲接烟霞。孤嶼芳菲薄晚暉。大岸飄銀波前飛。歷覽江村花。捕蚊。趁過民舍人復稀。對落花。落花猶未歌。桃花李花一段茂。倏忽帶風左右渡。漁史攀折日將暮。登亂香風吹不止。湖裏彩浪無殺起。看落花。落花作雪滿空裡。空裏飛散投江水。可憐漁翁花中迎。可憐水鳥蘆裡哀。唯有釣船鏡中度。還疑查客自天來。



丸部臣明麻呂。讚岐三野郡人。外從八位上。己酉成子也。承和中年十八。入都從官。積勞任本郡大領。請而讓之其父。平生自謹守子道。敬事二親。厥後己酉成以老致事。與明麻呂異居。相距數里。明麻呂朝夕定省不懈。國司上言其孝義。官叙三階。免戶田租終身。



坂上大宿禰淨野。田村麻呂第四子也。少承家風。武藝絕倫。平城帝御武德殿。簡擇天下善騎射士二十人。淨野年纔十八。以東宮少進。與在選中。弘仁中進爲陸奥鎮守將軍。在任數年。夷民和親。關塞無事。徵入歷右馬頭右兵衛督。爲因幡守。至正四位下。嘉祥三年卒。年六十二。



藤原朝臣富士麻呂。立性溫雅。少遊大學。頗通史漢。兼便
 弓馬。仁明帝在東宮。稍被恩遇。天長末。任東宮少進。尋遷
 右近衛將監。帝受禪。轉從五位少將。承和九年。伴健岑
 橋逸勢謀反。富士麻呂與佐伯官成。率衛士圍而捕之。尋
 為中將。叙從四位下。久在宿衛。能得士心。帝稱為有將
 帥才。十三年。出為陸奥出羽按察使。赴任之日。引見清涼
 殿。賜衣物。嘉祥二年。還。明年卒。年四十七。子敏行。從四位
 上左近衛中將。善書工和歌。村上帝嘗問小野道風古
 今妙書。道風對以空海。敏行。



おつぎけきものまのり
 賀美の位付のまのり
 ちかやうのまのり
 いまのまのり
 いまのまのり
 いまのまのり

和氣朝臣貞臣。從四位上仲世第三子也。幼而喪母。哀戚至篤。叔父參議真綱深矜愛焉。弱冠從安倍吉人受老莊。吉人奇其才。後入大學。研精不息。年二十四舉秀才。承和十四年拜大學大允。嘉祥元年遷大內記。仁壽初爲從五位下。患疔瘡卒於官。年三十七。時人惜之。貞臣爲人聰敏質朴。雖不留意小藝。性好圍碁。對局不覺日暮夜艾。



滋野朝臣貞主。參議正四位下。官內卿。以文學著稱。初爲文章生時。上表極論太宰府官不得其人。管內羅弊日甚。爲時賢所稱。爲東宮學士。經國集十卷。秘府略千卷。皆其所輯。仁壽二年卒。年六十八。貞主雅有度量。涯岸甚高。而天性慈仁。恐傷人。其餘官獎引進士。隨器選叙。死之日。知與不知。莫不流涕慙惜焉。



昔在宿鳩。雁前滿海。入朝王使。一首
袍上宮。鐘傳曉漏。雲間歸。鴻送春聲。
辭家里。許不勝感。況復他鄉。客子情。

興世朝臣書主。正五位下右麻呂子也。為人恭謹。善修容
儀。嗟峨天皇潛邸時。頗所知賞。書主善和琴。因為大歌
所別當。新羅人沙良真熊者。善新羅琴。書主從而學習。遂
究其伎。承和中。與族人越中小高世等。上表請改姓吉
田宿禰。因賜興世朝臣。後歷信濃守木工頭。累進從四位
下。嘉祥三年。遷治部太輔。是歲卒。年七十三。



藤原朝臣岳守。從四位下三成子也。資性寬和。博涉史傳。工草隸。人無賢不肖。傾心引接。天長中。侍仁明帝於春宮。應對左右。舉止閑雅。甚所器重。爲內舍人。尋丁父憂。哀毀過禮。承和中。爲太宰少貳。適得唐白居易元稹詩筆。上之。帝甚悅焉。進位一階。數年入爲左近衛少將。累進從四位下。再爲左馬頭。擢右近衛中將。兼美作守。嘉祥初。遷近江守。有惠政。百姓悅服。旣而罷歸。無復榮進心。論者高之。仁壽元年卒。年四十四。



藤原朝臣高房。參議藤嗣子也。身長六尺。膂力過人。性無拘忌。天長中任美濃介。威惠並行。盜賊不入其境。郡有流渠。堤防決壞。不可畜水。相傳塘中有神。犯者即死。高房曰。苟利于民。死而不悔。發土人築之。大利溉灌。又席田郡有妖巫。多爲民害。吏不敢入其界。高房單騎捕之。伏誅。國內安寧。歷備後肥後越前三國守。皆著治績。仁壽二年卒。年五十八。



小野朝臣篁。參議岑守長子。進爲參議左大辨從三位。初好弓馬。不事文學。嗟峨帝詰之。因自慚悔。始志于學。以文章生及第。既而至彈正少弼。承和五年。爲遣唐副使。恃才能與正使常嗣不相下。臨將發洋。正使船少有穿缺。因對換篁船。篁愠稱病歸。作西道謠。以刺遣唐之役。帝震怒。乃竄諸隱岐。在路賦謫行吟七十韻。幽麗竒拔。人爭傳誦。明年召還。尋復本官。文藻當時稱獨步。又工草隸。其家素清貧。事母至孝。公俸之餘。皆施親友。得病困篤。命諸子曰。氣絕則殮。莫令人知。文德帝仁壽二年薨。年五十一。篁初讀書於下野足利鄉。造費舍于其地。今足利學校是也。

野人閑散立身何。自課功夫文字
魔。蹇步更教吹退鷁。醜顏還被敲
橫波。水中投物浮沈異。手裡藏鈎
得失多。折軸孟門難進路。可憐驥
驥坦途過。




百濟朝臣河成。本姓余獲。長武技。能引強弓。又善丹青。其所畫古人像。神采奕々如生。至山水草木亦皆妙。一日河成入侍。帝令左右喚官人。官人羞見寫真。俯不昂面。河成即取筆紙。肖其形體。見者感嘆其逼真。當時畫家咸取法焉。天長十年。授外從五位下。累遷爲備中少輔。又爲播磨介。仁壽三年卒。年七十二。



丹墀真人門成。大同初。歷少判事。大和。大掾。天長三年。授從五位下。為丹波介。土風麤戾。舊稱難治。門成莅以猛政。廳事之前。笞杖疊積。數年。部內大治。承和中。為彈正少弼。遷刑部太輔。任武藏守。所部曠遠。盜賊出沒。臨職不久。風俗肅清。奸猾斂迹。又遷大和守。搏擊豪右。毫無所回避。所部晏然。百姓戴之。仁壽三年。叙正五位下。卒于官。門成雖無學術。長於吏事。所至風聲樹立。時人稱焉。



橘朝臣逸勢女。文德天皇即位之初。詔赦逸勢罪。追贈正五位下。逸勢性曠達。不修細行。勉學善書。尤妙隸楷。當其流竄。女悲泣相隨。官吏叱而止之。乃晝伏夜行。潛護從之。逸勢至遠江。阪築驛病卒。女大慟哭。遂埋棺驛傍。結廬其側。事死如事生者十年。至是。即自負柩還京師。改葬。當時藉之。莫不稱其至孝也。



藤原朝臣關雄。父曰真夏。關雄少能屬文。天長初。為文章生。性好退閑。常道遙東山舊樓。耽愛林泉。時人呼為東山進士。承和初。溥和上皇嘉其為人。特詔徵之。關雄不獲已而起。上皇待以優禮。尋授勅解由判官從五位下。局務繁劇非其好也。仁壽初。治部少輔兼齋院長官。以病請罷。不允。三年卒。年四十九。關雄好鼓琴。上皇賜以秘譜。由是更得其妙。又能草書。勅題南池。雲林兩院壁。

詠塵

紫陌暮風發。紅塵霽色清。林中隨電影。梁上洗歌聲。老氏和光訓。莊生守
 任情。拂林疑霧薄。飄泊似雨輕。戰後危
 氣曳。莊接合鏡冥。未期裨峻岳。飛颺
 徒自驚。



紀朝臣冢第。從四位下木津魚之子也。弘仁十一年。爲內膳。典膳。承和中。爲從五位下右兵衛佐。仁壽二年。爲信濃介。而卒。年五十八。第冢練達武事。膂力過人。危險出沒。輕捷絕倫。追捕京畿盜賊。惡徒爲之漸盡。



源朝臣常。嗟峨天皇子。性度深沈。風神爽秀。寵超諸子。天長初。授帶劔。仁明天皇立。進正三位。承和初。大納言兼左近衛大將。七年。拜右大臣。兼皇太子傅。進從二位。十一年。轉左大臣。上表請減封戶。不許。固請不止。優答聽之。又辭大將。不許。文德天皇立。進正二位。齊衡元年。薨。年四十三。贈正一位。稱東三條大臣。其在官。舉止閑雅。自論和順。務進才能。退讓佞。嘗奉勅預撰日本後紀。



訪淨上人病

時年十六

支公卧病遣居諸古
寺晏若入跡疎閑客
尋來若相問自言身
世片雲處

葛原親王。桓武天皇第三子。平氏之祖也。幼而穎悟。夙有令望。延曆十七年。與淳和帝同加冠於禁中。天長八年。進一品。式部卿。兼太宰帥。勅賜輦車。爲人恭儉。自將不傲於物。明慧博識。在舊典莫不通曉。常以古今成敗自戒。文德帝仁壽三年薨。年六十八。遺令薄葬。




管原朝臣梶成。右京人。練達黃岐家言。最善處方。朝廷以其明醫經。欲往唐質問疑義。承和初。為遣唐知事。使船洋中。遭風。漂蕩南海。為賊所劫掠。死者數人。梶成拒鬪甚力。僅而得免。六年。修船歸朝。獻所得五尺鉞一枚。片蓋鞘一枚。箭一隻。皆不類吾邦兵仗。十年。為鍼博士。轉待醫。仁壽三年。進叙外從五位下。



山田宿禰古嗣。天性篤孝。庶謹寡言。幼喪母。敬事從母。嘗讀韓詩外傳。至於樹欲靜而風不止。子欲養而親不待。流涕不禁。卷帙為之沾濡。後遭父喪。哀毀過禮。歷陸奧按察使。為大外記。公卿因薦以備顧問。古嗣好推獎文士。多見舉用。承和中。累進從五位下。阿波人著政績。初阿波多旱災。古嗣莅任。築塘蓄水。以備溉灌。民賴其利。仁壽中卒。年五十六。

性秋雨

結句正清淨。句如龍
 玉堂花像。暮後秋。甚
 度石飛翔。已如雲。林
 佩。更。高。甚。多。考。過。風
 若。斜。影。清。暑。送。涼。涼
 似。露。飄。水。樂。如。在。柳
 建。章。長。年。多。於。地。宗
 松。林。村。康。



前賢故實卷第三終

